



Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 10-33- 22801-58 /21
Sarajevo, 10.06.2021. godine

SKUPŠTINA KANTONA SARAJEVO
-Služba za Skupštinske poslove-

Zastupnica Neira Dizdarević na 37. Radnoj sjednici Skupštine Kantona Sarajevo, održanoj dana 31.05.2021. godine, u okviru tačke Dnevnog reda "Poslanička i zastupnička pitanja, inicijative i odgovori", a u skladu sa članovima 211. i 214. Poslovnika Skupštine Kantona Sarajevo postavila je zastupničko pitanje u vezi stavljanja lijeka Berlition na esencijalnu listu:

„Na molbu sugrađana oboljelih od dijabetesa, koji u svom liječenju kao terapiju koriste tablete Berlition, upućujem pitanje Ministarstvu zdravstva KS da li postoji mogućnost da se ova terapija stavi na esencijalnu listu i na taj način postane dostupna oboljelima? Prema informacijama kojima raspolazem, tablete Berlition su i poprilično skupe, ali i teško dostupne u apotekama u KS, što ovu ranjivu populaciju dovodi u jako težak položaj“.

U vezi sa pokrenutom zastupničkom inicijativom, Ministarstvo zdravstva dostavlja sljedeći

ODGOVOR

Odlukom o listi lijekova obaveznog zdravstvenog osiguranja Federacije Bosne i Hercegovine („Službene novine Federacije BiH“, br. 33/19, 56/19, 98/19 i 69/20), lijek Alfa liponska kiselina ili Tioktinska kiselina iz grupe A16AX01- ostali lijekovi koji djeluju na probavni trakt i metabolizam, u jačinama 300mg i 600 mg je sadržana u B listi lijekova koja se izrađuje saglasno finansijskim mogućnostima Zavoda zdravstvenog osiguranja Kantona Sarajevo. Prema podacima Zavoda zdravstvenog osiguranja Kantona Sarajevo, za lijekove iz ATC grupe lijekova A (lijekovi koji djeluju na digestivni trakt i metabolizam) tokom 2020. godine povećani su troškovi u odnosu na 2019.godinu za skoro 2 miliona KM, dok prvih 8 najpropisivanijih lijekova po finansijskom iznosu u koje spadaju insulini bez oralnih antidijabetika tokom 2020. godine su reda veličine 10 miliona.

Sa druge strane, Alfa-liponska(tioktinska kiselina) predstavlja normalan produkt čovjekovog metabolizma i ima uticaja na pojedine metaboličke funkcije organizma, jak i stabilan je antioksidans, vrlo efikasan u zaštiti ćelije od uticaja slobodnih radikala.

Namirnice bogate alfa-lipoinom kiselinom su: crveno meso (smatra se za najbolji nutritivni izvor alfa-lipoinke kiseline), džigerica, brokole, špinat, krompir, kupus, karfiol i mrkva.



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243

Sarajevo, Reisa Džemaludina Čauševića 1



Imajući u vidu sve navedeno, i pored nastojanja da se što više lijekova osigura stanovništvu Kantona Sarajevo, sredstva za ove namjene iz godine u godinu rastu i predstavljaju trošak koji se treba racionalizirati.

S poštovanjem,

MINISTAR
Prof. dr. Haris Vranić



DOSTAVLJENO:

1. Naslovu
2. a/a



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243
Sarajevo, Reisa Džemaludina Čauševića 1

